

Stećci

, poslao Općina Busovaca
Saturday, 02 February 2008

Nadgrobnici spomenici koje zajedničkim imenom nazivamo stećci predstavljaju najzanimljiviju srednjovjekovnu pojavu na prostorima Bosne i Hercegovine. Pojava stećaka kao nadgrobnih spomenika je jedinstven fenomen u svijetu, čiji nastanak ni do današnjeg vremena nije u cijelosti razjašnjen.

Na prostorima općine Busovača nalazi se više lokaliteta na kojima se nalaze ovi srednjovjekovni nadgrobnici. Na desnoj obali rijeke Lašve, u naseljenom mjestu Katiači, na lokalitetu Borak, nalazila se nekropola sa 4 stećaka u obliku ploča, bez natpisa i ukrasa. Nekropola je sedamdesetih godina prošlog stoljeća potpuno uništena za vrijeme gradnje društvenog doma. U naselju Donje Krèevine nalazi se nekropola sa 63 stećaka, a nešto sjevernije još jedna sa 4 stećaka. Svi oni su u obliku sanduka, osim tri koji su u obliku sljemenjaka. Veći broj stećaka je oštećen, ali ima i onih koji su i danas u dosta dobrom stanju. Lokalitet u Donjim Krèevinama je po broju stećaka veći od svih ostalih koji se nalaze na području općine Busovača. Treba naglasiti da su stećci u ovoj nekropoli klesani od konglomerata kamena i kriljca, što je za posljedicu imalo njihovo drobljenje prilikom pokopavanja razbijanja. Na lokalitetu Ravan kod sela Hozanovići nalazi se nekropola sa 27 stećaka u obliku sanduka, od kojih je većina oštećena, a isti nemaju natpisa niti ukrasa. U selu Dobraljevo nalaze se dva osamljena stećaka (lokalitet zvan Kaurško groblje) koji su u obliku sanduka, poprilično velikih dimenzija. Isti nemaju natpisa niti ukrasa, ali su dosta dobro očuvani. Nekropolu sa 16 stećaka imamo i u naseljenom mjestu Ravan, u neposrednoj blizini Busovače. Svi su u obliku sanduka osim jednog koji je u obliku sljemenjaka. Nemaju natpisa niti ukrasa, ali neki od njih imaju postolje, što je raritet na ovim prostorima. U selu Polje, uz samu cestu Busovača – Sarajevo, nalazila se nekropola sa 9 stećaka u obliku sanduka. Od ove nekropole, baš kao što je slučaj i sa nekropolom od 7 stećaka u selu Bukovci, nije ostalo ništa. Potpuno su uništene, a kamenje istih je ugrađeno u gospodarske i stambene objekte, odnosno izgradnju potpornog zida.